

Klag vnd Warnung.

Wie Pfaltzgraff Fri-

derich / gegen seinen Helffern / vnd Helffers

Helffern / des ihme zugestandenen schweren Falls

sich beklagt / vnd selbige wolmeynlich

fürwarnet.

Reddite quæ sunt Cæsaris Cæsari.




Gebt dem Kayser was des Kayfers ist.

Getruckt im Jahr / 1623.

t. Germ.

527, 36.

12.
Hist Germ. Dupp. C. 256. V. 1



Wie Pfaltzgraff

Friderich / gegen seinen Helffern / vnd
Helffers Helffern / des ihm zugestandenen schwe-
ren Fahls / sich beklagt / vnd selbige wolmeyn-
lich fürwarnet.



Wir / O mir / sich zu O Welt /
Sich zu / wie mich mein Pferde hat
gfelt:
Sich zu O Welt / sich immer zu /
Was doch der Stolz vnd Hoch-
muth thu:

Kompt her ihr Stätt vnd Ständt des Reich /

All die ihr gholffen habt zugleich /

Wir diß muthwillig Pferde zu bringent /

Vnd mich drauff in Sattel z schwingent.

Kompt her ihr Herren all zumahl /

Secht an mein grossen Vnglücksfall /

Vmb Gottes willen secht / wohin

Ich Elender gerahten bin

Niemands dann ihr seyt schuldig dran /

Ihr köndts nit laugnen / müsts b-stahn.

Gut runde muß ich jetzt her auß sagn /

Was ich vor lang verschwigen tragn:

Vnd bitt euch all vmb Gottes Will /

A . . .

Bernembs

Wfalkgraff Friderichs

Vernembt was ich euch sag in still:
Ewr g sampte Contribution/
So ihr mir heimlich zugethon/
Hat meinem Pferdt zuvil Futter gebn/
Wie ihr wol wist/ bekennets nur ebn/
Davon es frech vnd fremdig worn/
Von sich geschlagen hinden vnd vorn/
Mich leztlich gar geworffen ab/
Mit meiner Cron vnd Königs Stab/
Das ich jetzt lig in allem Koht/
So wol mit Ewr als meinem Spott:
D Witz/ D Gschütz/ D Gelt/ D Macht/
In diß Unglück habt ihr mich bracht/
Zu diesem habt ihr geholffen all/
Mit Gelt vnd Kriegomacht vberall/
Hindan gesetzt/ obs auch billich sey/
Helffen zu solcher Meutterey/
Die wider Pflicht vnd geschwornen Endt/
So ich geleist meiner Obrigkeit/
Diß alles habt ihr wol gewüßt/
Vnd dannoch mich zum Krieg gerüßt/
Wann ich euch dörfte die Warheit sagen/
So wolt ich euch nur ein ding fragen/
Ihr Herren seyt all witzig vnd flug/
Habt alle des Verstandts genugt/
Sagt an/ was hat euch doch bewegt/
Was Geist hat euch dahin vermegt/
Zur Sachen/ die nit recht vor Gott/

D

Klag vnd Warnung.

Vnd wider ewers Herren Verbott:

Ein Hülff zuthun/wie ihr gethan?

Verzeicht mirs/steht euch nit wol an!

Viel Hülff vnd Gelt habt ihr zugeführt!

Vnd mich dardurch sehr animirt:

Habts wöllen heimlich greiffen an!

Jest weiß niemands dann jederman.

Warumb habt ihr nit gsagt zu mir!

Mein Frik/Sron Böhemb gehört nit dir:

Sie gehört dem König Ferdinandt/

Laß Ihms/bleib du bey deinem Landt.

Mein Frik/bleib du bey dem/was dein/

Vnd laß ein andern auch das sein:

Das wer euch wol gestanden an!

Zu Fried vnd Ruh ein Rath zuthans

Drauff hett ich d Sach zu Herken gassen!

Vnd mich ohn zweiffel weisen lassens

Wer vom Krieg gschwindt abgestanden!

Wer blichen bey mein eygnen Landen.

Das wer gewest ein trewer Rath!

Jest klag ichs leyder/aber zspacht.

Euch/euch/gib ich die Schuld allein!

Das ich jest lig im Roh wie Schweins

Am ganken Leib bis ober d' Ohrn!

Durch diesen Fall so graußlich worn.

Wer nit ewr Esel mit Gelt kommen!

Hett ich nie so viel Ruth genommen!

Ein solchen Lärmen zfangen an!

Davon

Wfalkgraff Friderichs

Davon jetzt leyder jederman/
Im ganken Teutschland singt vnd sagt/
O höchster Gott/dir sehs geklagt:
Was für selzamb Mutation
In kürze ich erlebet han.
O Böheimische Directorn/
Wie selzamb habt ihr euch verlohren?
Ich mein/ihr habt mich dirigirt/
In Jammer/Noth/vnd Elend geführt:
Deß Teuffels Danck habt ihr zu Lohn/
Vmb ewer schöne Direction.
Der Teuffel hat euchs eingegeben/
Die Rebellion anzuheben/
Vnd dannoch haben sich viel Stände/
Im Reich alsbald darzu erkennt.
Mit Witz/mit Gschütz/mit Gelt/mit Rath/
Eysrig gholffen zu solcher That.
Ja das noch mehr ein Wunder ist/
Vernimb ich erst ewern falschen List/
Das ihr (zwar ganz verstockter weiß)
Noch helffen wolt mit höchstem Fleiß/
Diejenige zusomentieren/
So vnrecht Krieg vnd Händl führen/
Pfun schämt euch in ewr Hertz hinein/
Solt ihr so Ehrvergessen seyn/
Wider ewern Herren vnd Patron!

Helffen

Klag vnd Warnung.

Helffen mit Kriegsmunition?
Sorget ihr nit auch den höchsten Gott!
Ihr werdet heut morgn noch mehr zuspott.
Steht ab/steht ab von ewerm Sinn/
Ihr habt kein Ehr/nach Nutz/nach Gewinn.
Es ist vmb sonst/es ist vmb nicht!
Das Werck wird nimmermehr ganz gricht/
Ein Gleichnuß will ich zeigen an/
Darauf ihr d Sach köndt recht verstahn.
Wann etwan auff gemeiner Straß
(Wie es dann geschicht ohn vnterlaß)
Ein Wurm der ein Cronen führt/
In drey vier Stück zerhawen wirdt/
So leben zwar dieselben Theil
Ein zeit/vnd suchen höchst ihr Heyll
Thun sich zusamb insinuirn/
Ob sie sich möchten integrirn/
Eins windt sich hin/eins windt sich her/
Ergänzt sich aber nimmermehr.
Ihr Krafft verlierens nach vnd nach/
Vnd gehn dahin fein allgemach/
Etlich thun was baldt sterben/
Etlich thun was länger serben.
Also gehts mir/vnd mein Gesellen/
Die mir zur Auffruhr helffen wollen:
Dem Wurm ward durchauß ganz geleich/
Vnser vermeyntes Königreich.
Ihr wißt ich bin ewr Haupt gewesen/
Man hat mich darzu außerlesen:

So

Wfalkgraff Friderichs

So hab ich auch die Cron aufftragen/
Vermeint ich wolt nach niemande fragen/
Den Leib vnd Glieder hett ich auch/
Die Reichsstat füllten mir den Bauch,
Also stiendn meine Sachen wol/
Ich war des Glück's vnd Frewden voll/
Wielang hat aber solches gewehret?
Ach Gott wie hat es sich verkehret?
Ein Adler vnd Löw seynde kommen/
Vnd mich in ihr Klawen genommen/
Vnd gaben mir ein groben Zwick/
Das ich zerfiel in etlich Stück/
Dardurch ich gschwinde mein Krafft verlohrn/
Vnd gleichfals meine Directorn:
Ich sucht sie hin/ich sucht sie her/
Ob doch nur ein einziger wer/
Der sich mit mir wolt reunieren/
Vnd mich wolt helffen restituiren.
Nit weiß ich obs der Löw verschluckt/
Oder obs der Adler zertrückt/
Von keim hab ich nichts mehr gesehen/
Gott weiß/was ihnen ist geschehen.
Also hat sich mein Reich zertrennt/
Vnd gnommen gar ein kurzes Ende/
Das Leben ich gleichwol noch hab/
Gehet aber ganz dahin vnd ab.
Noch eins ist mir fremb fürkommen/
Als ichs diese Tag vernommen/
Das meine gweste Wit Consortin/

Sich

Klag vnd Warnung.

Sich auff halten verschidner Orten/
Nemblich zwen oder drey Gesellen/
Dienoch zur stunde nit abstehn wöllen/
Fahren fort in der Rebellion/
Vnd dencken nit wies mir thut gohn/
Der ein will sein ein Mann im Felde.
Der noch viel tausend Kriegsvolck helet/
Gebt achtung wie es ihm wird gahn/
Wann er nit zeitlich ab wird stahn/
Weil er nit mehr/dann ich begründet/
Er gwislich auch mein Ausgang findet/
Der ander will Dorff Jäger sein/
Treibt aber sich ins Gyardt hinein/
Glaubt mir vnd merckte nur eben: gwis
Heut morgen schreyt er Holla ich biß/
Heus heus, Actæon ego sum,
Dominum cognoscite vestrum.
Der dritt thut sich in die Höch vmb schawen/
Will Thurn in den Lüfften bawen.
Diese drey vnd andere Gesellen/
Seindt/die mein Reich ergänzen wöllen/
Höre ihrs: O Wisz/O Geschütz/O Belt/
Man sagt das ihrs mit ihnen helet/
Demühet euch aber ganz vmb sunst/
Es hilfft kein Wisz/es hilfft kein Kunst/
Berfallne Theil zusammen stücken/
Ist nichts dann Bettel Mäntel flicken.
Derwegen ich O Mann im Felde/
D

Dire

Wfalkgraff Friderichs

Dirs trewlich haben will erzehlt/
Vnd den zwen andern auch zugleich/
Vmb Gottes willen bitt ich euch/
Thut nunmehr auff ewre Auaer /
Vnd wartet nit der rässen Laugen/
Die vber euch noch kommen möcht/
Wann ihr nit abdancet ewre Knecht.
Legt doch von euch die gottloß Wehr/
Die ihr getragen habt bißher/
Die Stundt in der ihr werdt abstehen/
Bringt mir Milderung meiner Peen/
Die ich seht leyd gleichwol mit Schuld/
Ach wie dürst mich nach Kayfers Huld?
Wie dürst mich nach meinem Vatterlandt?
In diesem so betrübten Standt.
Wolan ihr Herren ich beschließ mein flag/
Zu ewr Warnung ich diß noch sag/
Helfft nit mehr zur Rebellion/
Dann einmal stehts euch vbel an/
Helfft nit mehr zu vnrechter That/
Glaubt mir als ders erfahren hat:
Stehet von ewr bösen Practick ab/
Dann Gott hat se kein gefallen drabe
Stoß euch an die Punitio/
Die Gott hat allbreit sehen lan/
An mein rebellions Consorten/
In Böhem vnd an andern Orttin:
O Wilt!

Klag vnd Warnung.

S Wik/S Gschüt/S Gelt/S Macht/
Auch d Sachen besser betracht/
Bedenck hinführo mehr das Endt/
Vnd sey mit Kriegshülff nit so bhendes
Hett ich anfangs das End betracht/
Hett gwislich nie kein anfang gmacht.
Hett ich lohn Kayser Kayser sein/
So were Chur Pfalz gwis noch mein.
Ein Ding ist noch/drumb bitte ich/
Vmb Gottes Willen jnniglich/
Merckts eben/ich sags zu jedem Christ/
Dem Kayser gebt was Kayser ist.
Pfalzgraff Frierich gibt euch die Lehr/
Vnd bitt/das jeder sich dran Lehr.

E N D E.



Faint, illegible text or markings at the top of the page, possibly bleed-through from the reverse side.

